



空齋遺集卷之十

詩集

縉雲鄭賡唐



男

載颺

編次

五言律

桃花隘和王代巡韻

花樹煩驄避勞勞一角天峰連偏積霧雲斷復迴煙
欲借行春憶猶疑架壑船種桃成底事不記歲時千

又

白雪賡酬日桃花艷藹天山分朝暮色村間有無煙
頻說牟三異難追第五船憂時多白髮願上杞言千
詩以言志人皆衍韻耳予獨感愾係之言外諷刺
似失和厚亦自托于國風也 自註

清明舟中夜月得羅字

今日知春柳悠然客思多同人無俗法有酒侑狂歌
夢繞舟爲宅天空月作羅且歸誰復問書債老成魔

次希房張字韻

風北橫舟渚寒生大地霜扶春呼玉友引 舉金鎗
善嘯今惟阮顛書可似張數來歸尚蚤醉月以爲常

次萃峰秦字韻

湖山今昔意此日想花茵猶喜酒知己同憐月近人
論玄輕晚晉汰古尚先秦爲問河干柳他年應有春
南明山半雲亭

疊玉浮螺髻蒼雲歷翠屏俯臨防岫缺倒接抱峰停
鶴影松間駐梵音天半聽擔囊應有句聊以壽山靈
葛仙翁井

仙子今何在遺踪古甃寒殿幽愁霧重水冽帶雲餐
濟火丹猶濕分莖露未乾此中休棄轄恐有老龍蟠

高陽洞

古洞滿巢雲雙厓合掌伸探來多窅靄只是少紅塵
苔積千巖水花開一塢春高陽非醉漢待問去來津
天井嶺
以上四首南明題詠

石繡從天汲梯雲到此間蒼藤補石缺蔓草散煙鬟
霧起連山陷泉飛帶雨潺寧知天外境拂袖月明還
元日大雪和李崧生先生韵

曾聞花雪瑞此日喜盈扉百戲蓮枝舞初春綵燕飛
銘椒雙獻壽愛日一班衣汜勝書如驗靈光護紫微

元宵又雪

玄圃愁歌日良宵浩落人燈輪羞月偃寒絮入春頻
醉後狂摻鼓閒居念積薪香車應有待上苑架清塵
清明日寄跡南屏憶去歲都門下第悵然有家

鄉之感

燕山舊作客聖水今離羣都付湖煙去不將榆火焚
花殘春未改鳥語樹生文恨殺無情柳青青似五雲

遊法相寺

乍將遊屐整曲徑入雲心嘯虎峯頭遠呼猿洞口深

泉因錫杖冽松爲寶山陰皈拜定光佛清幽月出林

春日卽事

原稿不止數章以
殘缺未獲盡錄

花事匆匆謝閉關自宵深怒風撩遠籟明月隔層岑
欲集河汾侶附廢梁甫吟挑燈聊自問鄰叟可知音

又

園林差不俗卧月倚松根生計書三篋人情酒一樽
鳥嬌春未歇花放雨成痕莫問明朝事千秋五色吞

又

蕭齋危竹枕春色倩誰關月淡林偏邃花忙心自閒

醉中忘永漏窻外靄南山但得榮期樂濡毫句未刪

又

春半無聊賴况逢晴雨天琴書嫌夜短花酒妬人眠
長慶蒐佳句義熙不記年欲尋依隱事滅灶火重燃

又

靜夜忽繁聲閒愁滿五更危梁驚鼠閔靈幌畏風行
精衛空填海■天似待清無端春思盡一枕愧平生

苦雨

只今薦麥秋淫雨忍紛稠鳥宿驚山溜蛟騰撼夜舟

葛衣難試暑客夢轉添愁爲倩東風便曦暘待起柔
春郊 戊子

踏翠幾無地春來肯不忙花開歌管侑風煖舞衫長
載酒嫌鸚倦憐香識草芳耽遊還秉燭詩債以時償
落照

花事憐春暮斜陽樹樹移雲歸空壑靜鳥宿亂峯危
捲幔霞餘采開樽月近卮魯陽戈可挽若木聽奔馳
吹烟

匹練煙如鎖因風散幾重雲光遠近合山色有無中
野馬元章筆鳧花康樂封凌高聊遠眺晷盡別爲容
藕絲

辟暑裁香藕啣杯賞碧蓮絲牽香玉節恨惹水仙絃
風緯無機織冰心蘸日鮮誰人臨玉井空結退之緣
上巳日

閨餘催羯鼓脩禊重留春花樣洛陽女閒情紫脫塵
側聽知時雨遙看捧劍人不須流水泛婪尾問山鄰
萍

藻澗楊花舞飄輕幻若雲翠浮青紫色波漾往來文

戲荇魚無畏漣漪石作齧水簾誰爲主明月影中分
石上苔

醉石堆山老蒼根沒綺錢凌風情漠漠過雨色芊芊
索鬱留衣濕歲蕤向月眠謝公今削屐百丈不停鞭
雨催詩
以上俱戊子作

好雨知時節詩成故有神緣塔起素沫縱筆傲松筠
點滴石生悟嘯歌雲作茵百篇休避醉恐有電雷瞋
寄柴蓮生

別後南柯地相悲各自知看山愁不邃剪燭再何期

塩米逢今貴親朋視昔移平生珍重意痛飲讀騷時
其二

吾師羈柘浦途次放叅無夢短憐君老山貧嘆我俱
湯生空宴鹿吳子好烹魚越老公威輦口傳是素書
七月三日喜雨

靈雨尚嫌少好風莫斷雲汲新聊鮒飲躡屐又龜文
點滴爲荒玉沾濡救鳥耘天高應近聽不欲巫庭焚
四日又雨

雨咽人聲驟重看千里雲同車不待軸薜鼓自成文

石髮頻梳潤田膏起力耘旬來如不雨珠澤也焦焚
和蔣丹崖括蒼道中作

丙申

絳帳星移日相將斗大城桃花荒篆剝峴口暮光明
老怯風霜路別餘車馬聲感君饒譽癖古道崔州平
和張靜庵括蒼道中作

迤透山何限聯翩知已行籃輿驚鳥醉野店咲河清
落月推烏意閒雲舐犢情應知世法懶東野以詩鳴

時同次兒颺
入郡應試

和汪羽年對月懷人三首

月是高人友晶簾掛薜裳淺涼華露掌徒倚德星堂
煙氣橫河渚文心入夜光雅懷惟叔度千頃照波長

又

驅驅冬又至蒼思異秋深惜此花間月况堪酒滿林
霜砧淒靜籟箕踞獨長吟欲向寒空問高山流水心

又

十月憐春好金龜酒家相將珠蓋客寄賞蜜筍瓜
短褐繁霜髣長河落日華殷勤謝皓景字溢七香車

和小菊詩

空齋遺集 卷之六
菊也爲人醉碎花點點金後時偏自咲小隱耐寒侵
香惹清風客烟籠白雪吟愧無桑落酒延賞日招尋

禮南鎮

丁酉

赫奕朱天配斗南一宿尊人間回蝶夢天上卧龍蟠
石髮梳雲渺蒼珥障日寒浮生勤記取寶笈碧霄看

答關六鈐原韵十律

丁酉

湖山今豈昨無謂亦姑來猶喜友爲命不知屐漬苔
浩歌消隱恨畏熱覆寒灰脉脉同君意白虹貫上台

其二

君才真十倍暫醉碧霞鄉孔座愁賓滿雲亭答字忙
鶯花驕白社錦綺咲黃梁何處開三徑丹扶不老桑

其三

累繭鐵穿鞋看山渺渺懷迤東方失火無北可投豺
晒腹書成蠹啣杯鍾任埋誰將天雨哭幽勒幾層崖

其四

君居何所樂絲舞日高吟偕隱文光剷千秋靜業深
雲生高士杖星聚美人簪一掬西湖水洗身得此心

其五

之子歸來後
竽笙陋室文
邗江碑剝峴
彭澤柳成雲
藻荇飛花筆
煙嵐鎖夕曛
床頭猶有劍
豪飲賽從軍
其六

買山山未得
亂石咽寒汀
世法生難熟
閒愁醉後醒
可憐南北頂
不盡柏松青
人老珠盤冷
遠鴻物外冥
其七

子民聊指點
王謝幾亭臺
腥霧羞龍在
頽煙放鶴哀
有情懷旅鴈
無語對官梅
妬爾化工手
芟風闢草萊
其八

一局碁高下
英雄徹底清
井欄開以闔
鐵網死還生
解嘲思何始
憂天問否晴
爲君斟滿竿
風雨不須驚
其九

此心憐日月
爾我戲如童
四賞貪三截
聯肩羨一紅
杖頭爭曲算
脉望療誰窮
莫謂無真理
得機是箇中
其十

君以我將歸
雅歌賦別離
冰絃霓羽調
玉柱珊瑚枝
情苦韓非吃
鋒裁季野皮
楚騷今莫讀
好樣學趨時

答沈大匡十律

丁酉

空齋遺集 卷之十
不忍西湖別爲看知己來雙龍羞短缺三徑沒蒼苔
玩世愁偏久因人熱已灰太原不可望採藥幾天台
其二

君藐封侯事蕭然烟水鄉素心裁荔古避地種瓜忙
白髮聊遮笠丹砂好貯梁只看雲影夕滄海會成桑

其三

飄搖風雨惡爾室舊傷懷鷹護簷前雀狸歡當道豺
華鋒天際隱心史井中埋 門初靜幽琴響碧厓

其四

所得旣清曠風高梁甫吟吳山明月舊震澤浩波深
借寇汗君耳窩居集友簪閒來對五柳遂此獲初心

其五

曲江成底事憔悴沈休文閒却掄魁手蔚生滿棟雲
寒花撐落葉倦鳥倚山曠爾我清談起袒岐左右軍

其六

明月知君意乘潮欲墮汀雁行飛未盡猿淚夢初醒
深塢楊花白高天 子青人傳龍卧處大隱匪逃冥

其七

繡佛清齋日空明似鏡臺緣惟隨衆接老不乞天哀
唾擊閒拋筑杯香和落梅羞乘欵段馬寧令卒汙萊

其八

旣與懶相習香煙茶椀清湖山看尚熟英俊晤俱生
詩思燈前鬧花魂雪後晴閒中觀物理石破任天驚

其九

不知天地大放浪咲兒童花掩塲雲碧林疎霜葉紅
魯戈留日短莊臂任鼉窮聊且如如坐鐘聲暮雨中

其十

白下昔分袂八年今別離誰爲憐北道折盡向南枝
五夜河梁月三搥鼉鼓皮春明先寄訊豪醉及花時

答友

南山斜逕好高榭集芳春一醉青雲客相知白髮人
樽當明月滿流汎落花鄰祇愧登龍久兵厨分醕頻

壽陶道開

外翰先生貴歸來種玉田琴書籠桂海詩酒問瑤天
曲沼龍初蟄南山鶴自妍君家都水監松餌幾千年

寄吳宏猷

以我長懷古逢君喜同奇絳紗敦世好空篋贈新詩
世界誰青眼文章信白眉巉巖成蜀道落月是相思
寄吳壯猷

睽澗噴雲嶂長吟對落霞桑田春易老松逕酒常賒
歲月驚蓬髯江湖感物華香風吹白雪君可待開花

贈李某前輩

暮年風骨健大隱藿藜甘時效香奩咏不辭搥鼓摻
軒岐泐盡意董左筆同劉紫炁常東望思傾寶笈函
李秋潮招飲羅溪書舍和蔣丹崖韻

戊戌

藥市龍山歇蒼葭集水涯開門延翠靄更酌就平沙
鳥靜初更月雲銜幾樹花醉翁逢好友乘興卽爲家

答蔣丹崖韻

雨淫無一可山曉又封尖煙雀蒼天小風鳶湍水漸
善懷花下錦消渴酒家帘君不惜餘論王符敢著潛
苦雨

久客愁兵亂山痴望有年豈期梅雨毒白漲黯雲天
南畝哀飄梗花街欲泛舩頑石意晴霽便登仙
明山小築落成蔣丹崖贈詩卽韻酬謝

辛丑

空齋遺集
白水開蓬屋清風舊竹林避喧謀野獲養拙暱山深
生意餘庭草無絃畜素琴通家齊出處直道古人心

又

城市看來咫尺乾坤容膝居懶慚三世業貧守一床書
梁上思詒燕濠間漫樂魚從今雲滿壁高賦茂陵如

壬寅元旦自遣

聞歌元會曲庭聚爆竿灰楊柳春風襲梅花香雪堆
鬢絲年屢換谷冷鳥偏猜只有高堂酒欄班三世孩

壬寅二日舉孫顯郎韻答謝蔣丹崖

偶報添丁喜獻新花雨時吉同高遠祖

東郭始祖母以二日生

襁曾孫兒

是夜老母懷抱

擬謝誰爲鳳思陵謬比麒麟感君願

造化叉手賦新詩

又答陳羲草

客星雲際宿劍氣鬱初寅以我衰年撥同君酒賦宜
紀珠噓筆露種玉媿孫詒何似寒山石重光鄴下奇

三日聞雷

怪爾雷神怒偏居春蟄前雨災驚古諺斗粟慮炊烟
野蓼初叢聽空山響墜鳶西窻聊剪燭緯恤未堪傳

甲辰臘雪賦促張靜菴回居學署

雪淨寒光逼風清泮水塵莫虛季良席行看鱸堂春
紫燕凌雲遠香梅薦曉頻願移君子駕霽月起東隣
席上分韻

浪跡山中客夕陽溪上尊班荆秋色老看葉水光渾
煙靄村籠樹兵氛市掩門直須拚共醉吟諷到黃昏

除夕立春

晨起猶言臘徐徐忽報春喜交新舊歲醉感送迎人
遊子未歸屐萱堂漸老身明朝須戒宿簫鼓已催頻

丙午元旦

歲星聞在午良節又新更晞露拖梅綻浚風滌凍輕
入山寧作塢娛老欲躬耕不盡鶯花意踏歌夢裡驚

贈董靖寰明府

香陌耕雲盡棠花映月開采蓮堪度曲餐菊日銜杯
轂鹿烟留跡宮烏曉集臺春明封事亟不數管蕭才
庚戌冬日冒雪携長孫若谷入郡憇靈山寺

裹足餐霜久重來踏雪寒可憐夫况瘁也念老闌珊
衣霧飛花似暝烟蜀道難倉皇投宿處却說是靈山

次日同孫谷寺外高眺

山深松逕曲寺古景逾幽靈鵲知人意蟄龍遠世求
有喬留硯在如泌歛枰謀領畧溪山意四天鏡裡浮
次二日大雨

雪霽餘光好風林雨忽狂燈殘五夜閒龍吼萬山蒼
禪客丹爐靜征夫襜被忙山居幸自得盡日禮空王

次三日又雨

小寒初變候近晦屢陰時溪影連天碧松聲隕雨疑
僧閒鐘磬寂法贍稻梁肥欲效灑居士熱腸漫賦詩

晦日又大雨

雨雨風風急松林颯颯聲寒花淹滯萼麥壠洗空明
點滴禪心悅陰沈世諦輕明朝是月吉須倩曙光生

朔日初度

浮生花甲外踪跡水雲間禮佛虔香幾懷親整袂斑
鴉聲報霰集雀露濕松關猶喜心如水平吟對雪山
二日喜晴

風勁凍雲捲曦陽掩雪開江煙醉嫩柳花徑洗新苔
山尚瓊瑤積人從村市回孫康成底事曝背且啣杯

四日

以上俱與戊寅寓靈山作

靈山真勝絕寂歷少人行寺古僧多朴心空鳥不驚
松濤扶碓轉野渡倩雲橫岩畔凌風坐煙花苑里明
送李一公

暈月劍花開浮生暫避閒我懷千里夢君在九霄間
豈少江湖興相看霜雪顏遮莫東風好故山雲際攀

端午

昨歲天中節仙都送喜歸而今老作客感舊嘆知希
俗鬧菖陽茁天寒榴火微白雲回首處稚子應依依

丙辰元旦有懷

曉雲開霽色旅寓又新年人海魚龍鬧琳宮花鳥妍
田園應尚在詩酒也從權行役嗟予季何時得履旋

答吳慶伯三首

紫陌思初服新懽愜舊遊木天丹鳳羽醜塢玉龍湫
難字嘲雲解明珠探海愁忘年吾自愧慕想在三丘

又

南董千秋業圖經暫整冠三長人所畏巨筆不爲難
驥足春雲煖劍花夜月寒王孫真異質帳秘許誰看

又

雲淡風和日江天青鳥回酒分丹客瀝花爲老人開
良節驚嬌艷神燈濺爆灰旄頭星未掩拚醉巫山臺
次關六鈐韵二首

驚秋卧夕陰遲我聽瑤琴詔徑容求仲瓊飴傲竹林
風清來塵屑雨驟失煩襟不有忘形友源花何處尋

又

高軒臨下方漉酒未先嘗祇恐茅柴澁寧辭踏翠忙
江湖疑蜃湧落照滿山蒼無限滄洲興歸歎念靜芳

初訪梵巖寺

丁巳

何緣親捧喝迤邐望山門疊巘疎松古危橋浥露痕
虛空天自大窮剝佛餘尊一鉢蟠龍在餐霞斯道存

五言排律

溪聲

戊子

水澄聲不惡石險勢成濤怒堰張風鼓奔沙鬪雨廳
溜從迴處吼波以激多豪遠瀨疑林響村春引瀑高
無言忘欵乃聽笑桔槔天縱廣長舌地鳴不夜磬
卓哉段刺史名爲好溪勞

贈白雲山法師

庚寅

福林懸卓壁蘿幌蓋群峰雲逗
開刹風迴未午鐘
鏡心供嘯覽煙壑窅深重佛子蒲團隱堂頭法雨濃
繙經聞止觀踏葉靜無蹤撫石閒爲伴拈花得所從
春蘭藉草碧舊話咽鶻紅愧我非元亮相將有遠公
漫留白雪錦時倩塢雲封禪機堪付與蠟屐且從容

壽關太夫人

丙申

謝湘流光遠萊衣送喜頻黃姑分石髓素女共花茵
曩昔躬操白芳齡早飮辛玉壺冰肅肅金掌露耿耿

紗幔義成學芬馨孟母隣九苞紛彩鷗尺木濯春鱗
綸翟來嘉爵泥書寵悅巾待清時暫隱好德福踰倫
紉佩蘭蓀貴含飴芝樹綦六銖霞剪碧九夏月重輪
懸卜期願勝爭看蓬海塵誰將千歲酒普度百三春
霓羽瑤池會笙歌麟趾振畫圖真樂事多方燕賀人
壽沈太夫人十六韵

太乙孕元君燕山起石麟慈闈玄玉授文苑白眉振
墨浪催花艷宮鶯唱曉宸簡書欽守土捧檄惻矜人
驂劇無荆棘村荒亦飲醇如何三賦促偏樂兩岐臻

吐握聯衿佩平反黜矢緝放衙勤色笑壽母醉清貧
葱鬱南山蠹漣漪富渚粼三千桃始實八十雪逢春
燕喜笙歌沸含飴拜舞真籌添碑在口翟佐絲堪頤
百歲流霞月四時翠幌茵詎云昔杜柳粵邈在姬莘
籍末分鳧舉同風看雉馴珠盤猶子意玉素托江鱗

寄壽友人

義熙花甲始旋忽慨歌留贈有黃金錦句皆白壁酬
緬惟疇昔日寬綽自然秋蘭氣薰千里詞源滙九流
彩鞭驅駟馬劓解全牛詎意滄桑改俄驚蟪蛄收
潯陽猶有伴白社不同謀卧酒辭青盼吞花任白頭
燈傳珠錯落桂馥玉雕鏤不慮青雲晚偏懷明月幽
丹砂堪■老綠鏡允朋求愧我非通况逢君是鄴侯
天終榮碩果人喜附仙舟肆好■三誦籌添十二樓

寄訊陳龍媚十四韻

巳亥

斗北杓星粲曹南福曜麗循良公論允廉惠故人知
湖海舊豪俠春風迺在茲藹多殷禮樂蠲賑救災瘼
雉陌熏和氣蒲鞭淡作爲客群依北海誰不慕昌黎
案側鏤花石樽前白紵詞史叅重席奪鐵瘦紇那支

令問傳彤管清歌付雪兒煙生紅靺鞨香拾楚江蘼
三載風流永千秋道侶期雖然車笠異遙望鶴琴移
鴈影經霜遠鳧花醉月歆加餐不盡意緬逸賦新詩

送劉爾仁

辛丑

春天寒更雨行路愴偏陰青山催別緒白日戀知心
嗟世誰同老滌風感越吟徘徊花解咲黯黹酒堪沉
採徧天台藥朋分雲塢簪聽泉心瀲瀲剝蘚意恹恹
蔣逕遊惟二愚巖叢以參忘機耽道咏剪燭遏蕪音
釋亦迷蓮社狂寧亞竹林自秋冬展歲永夕日披襟
遽賦河梁曲羈離焦尾琴追來猶似昨再晤何如今
芳草林臯鳥素書皖水鱗君歸從所好我願肯重臨

燈夕感述

辛丑

鰲山初罷戲毳帳忽成陰撇烈嘶風急弓稍指日沉
先聲憂悄悄毀室病泔泔闔井傳餐沸兒童窺影深
賢侯勤保又驛使授南針俸薄寧塵甌禮交可遏淫
猩狒方懷惠蒼鷹始出林芝亭開旭色竹徑穩花岑
嗟此虫氓未識浩天心杜憤花門將史憂墓蝕森
朶願同一轍曲突誰堪任幸得安黎糝飯依在宓琴

空齋遺集 卷之十 詩
神工欽寂若短韵托歌吟

汪竹巖招同蔣丹崖麻赤瑜問道仙都登陽谷

最高處劇飲十二韻

辛丑

籃輿紅鞵鞞白馬錦雕鞍晨策同斯邁青雲憫夙歡
芙蓉排嶂鎖湖鼎捫龍看蹀躞途三折逶迤磴九盤
屐閒將進酒谷靜不知寒丹竈流珠飲仙房吸髓繁
廣成高位置倪謝屈衙官更踏一層翠肯辭五夜闌
清歌震紇那玉竿醉初殘淺渚舩鯨釣雲膚烽火攢
主人琴響寂物外賦心溥賸有羊求伴憑將鳳羽翰

贈陳羲草

辛丑

南嶽分支遠台山蟠結隆偉人多勃率真氣鬱青葱
疇昔寒山子高文絹字榮珠盤推道長金斷貴心同
不覺桑田改相將荷篠躬忽逢蘭譜舊榻坐春風中
季長威儀肅元龍湖海洪長楊方吐雪絳帳且培風
花筆煙雲繞曠懷天壤空攜光憐我老世講自君通
况有雙珠秀徐占萬石公杓魁躔下邑紫氣滿關東

送蔣丹崖之任南安

癸卯

君向秦川去我仍陋巷居相思留杜若相別賦瓊琚

空齋遺集 卷之十 三
憶昔絳紗集風來白社初花明山水意酒渾聖賢舉
白雪陽春曲丹鉛脉望魚但時勤杖屨不記改蟾蜍
收拾仙都狹載芟藝苑鋤豈能長聚首也未厭驅車
落落鱸堂轉迢迢朱圉墟銅章新裹束玉塵意何如
羗畏龍圖老民爲慈母鍊道州元結粲壕吏杜陵獻
曩哲三言在君才十倍餘隴頭春滿日好報故人書

寄懷張紫垣十四韻

癸卯

縹緲蓮花幕勤勞叅閫鞬塞翁忘得失君子絕攀援
豈不高賢達無如公議喧化工雖歛寂芳草也知恩

疇昔繫駒地祥刑息兔爰清風留豫越水鑑拾瓊璠
共喜徵黃允權宜借寇煩而今淹幾載若個顛重闔
一篋圖書靜千山紫炁屯神龍舒卷意玄豹霧雲昏
只有西湖水佐君白玉殮鄴侯應再起坡老可同論
自愧山樵朽猶憐古道存脂車命稚子吟弄亟登門
贈及

有客雲湘下驚才入雜竒噴花殊不厭奪席獨堪支
爲計湖山好相將蘇白堤珠盤聲氣集寶鋏華鋒離
痛定論疇昔鴻冥震迄達繁星狼鬣暗遺子野苕危

若箇觀時化同人慎履綏仲宣
義惻宋玉入秋悲
我亦深懷感愾然彼網羅破愁惟有酒傾蓋且探奇
蘋浦和風醉秋山緩展宜勸君權閣筆恐或惹蛟螭

贈越州何太守

丙辰

忠義丹心烈循良吏道敦匪惟崇德業亦以理艱煩
今有會稽守風清南嶽尊紫薇初值曉白鶴半朱旛
閩嶠妖氛起皇華使節騫棄家如敝屣自靖顛重閣
冥命酬誠悃分符重价藩春臺徧宇陌玉燭照窮村
几舄高彌抑桃蹊下不言救人寧息釜肺石允無冤

此地鳳皇集又聞虎豹蹲蘭亭謳管沸士女竹枝喧
僕走山陰道得親紫氣軒緇衣三嘆息淮水溯淵源

答六鈴

丙辰

販思歡喜地依隱巫山峰旅火連丹灶樓居近上墉
故交憐客憊芳訊韻晨鐘碩果靈光貴延陵英絕容
斑荆先代禮酌水野人養祇愛酒消渴何妨行任春
華胥今昔意明月去來蹤湖柳風臨媚鶯花雲倩封
捫蘿時剝蘚濟勝不扶筇晴靄春光好蒼茫煙壑重
家鄉未衅甲羽檄聽傳烽地僻空三徑園荒冷七松

空齋遺集 卷之十一
辟疆人安在神澤海湛宗編竹紛屏畫羹蓴菜苾
鳧鷖遵舊渚醜醜飲新濃筆惹雲霞氣文璠錦繡胸
呼盧先贈譴浮白力攻慵天際湘靈集江臯仙佩從
壯懷奎壁聚颯氣斗牛衝晷爲廻戈燄屐賒周道震
琴聲能引鳳劒吼欲成龍白紵歌香杜連珠映瑞蓉
圭璋推世閥弁冕戴華鬐齒頰多流韻飛揚豈逞兇
素心行我法流俗彼何穠聞道奕棋棘漫憂緯恤忪
銅駝應咽露縣圃欲鋤葑瀛海大風起人間任轉蓬

答吳慶伯

丙辰

枕湖虛架閣疊嶂鎖晴窓杓斗尊穹極慈雲建法幢
萬家春樹簇一葦好風艤招得酒龍伴榻來人鶴雙
催花喧電鼓霏塵喜傾缸筆矯凌岡阜賦成貯海江
聞聲初折節飫飲迄心降郢雪烟高引吳歛戲彩撞
遲君尚有酒念我騁無邦耿介倚長劍相看晃玉虹

空齋遺集

卷之八

三

國

